

曹魏天竺三藏康僧鎧譯

阿彌陀佛四十八大願讚誦

(2018修正版)

請廣流通 助印 功德無量
共入彌陀願海

爐香讚

爐香乍爇。法界蒙薰。諸佛海
 會悉遙聞。隨處結祥雲。誠意方
 殷。諸佛現全身。南無香雲蓋。菩
 薩摩訶薩。南無香雲蓋。菩薩

摩訶訶薩。南無香雲蓋。菩薩摩
 訶薩。

訶薩。【一心恭敬頂禮】

南無西方極樂世界。大慈大悲。阿彌陀佛(三稱三拜)
 一切恭敬。

一心頂禮十方常住三寶(拜起問訊)

如來妙色身。世間無與等。
 無比不思議。是故今頂禮。
 如來色無盡。智慧亦復然。
 一切法常住。是故我歸依。

大智大願力。普度於群生。
 令捨熱惱身。生彼清涼國。
 我今淨三業。歸依及讚誦。
 願共諸眾生。同生安樂刹。

爾時，次有佛名世自在王如來。應供、等正覺、明行足、善逝、世間解、無上士、調御丈夫、天人師、佛、世尊。時有國王，聞佛說法，心懷悅豫，尋發無上正真道意，棄國、捐王，行作沙門，號曰法藏，高才勇哲，與世超異。詣世自在王如來所，稽首佛足，右遶三匝，長跪合掌以頌讚曰：

光顏巍巍，威神無極，
如是炎明，無與等者。
日月摩尼，珠光炎耀，
皆悉隱蔽，猶如聚墨。
如來容顏，超世無倫，
正覺大音，響流十方。
戒聞精進，三昧智慧，
威德無侶，殊勝希有。
深諦善念，諸佛法海，
窮深盡奧，究其崖底。
無明欲怒，世尊永無，
人雄師子，神德無量。
功德廣大，智慧深妙，
光明威相，震動大千。
願我作佛，齊聖法王，
過度生死，靡不解脫。
布施調意、戒忍精進，
如是三昧，智慧為上。
吾誓得佛，普行此願，
一切恐懼，為作大安。
假令有佛，百千億萬，

無量大聖，數如恒沙，
供養一切，斯等諸佛，
不如求道，堅正不却。
譬如恒沙，諸佛世界，
復不可計，無數剎土，
光明悉照，遍此諸國，
如是精進，威神難量。
令我作佛，國土第一，
其眾奇妙，道場超絕。
國如泥洹，而無等雙，
我當愍哀，度脫一切。
十方來生，心悅清淨，
已到我國，快樂安隱。
幸佛信明，是我真證，
發願於彼，力精所欲。
十方世尊，智慧無礙，
常令此尊，知我心行。
假令身止，諸苦毒中，
我行精進，忍終不悔。

佛告阿難：「法藏比丘說此頌已而白佛
言：『唯然，世尊！我發無上正覺之心，
願佛為我廣宣經法，我當修行，攝取佛
國清淨莊嚴無量妙土，令我於世速成正
覺，拔諸生死勤苦之本。』」佛語阿難：
「一時世自在王佛告法藏比丘：『如所修
行莊嚴佛土，汝自當知。』」比丘白佛：
『斯義弘深，非我境界。唯願世尊廣為
敷演諸佛如來淨土之行。我聞此已，當
如說修行成滿所願。』」

爾時，世自在王佛知其高明志願深

廣，即為法藏比丘而說經言：「譬如大海，一人斗量，經歷劫數尚可窮底，得其妙寶。人有至心，精進求道不止，會當剋果，何願不得？」於是，世自在王佛即為廣說二百一十億諸佛剎土天人

之善惡、國土之粗妙，應其心願悉現與之。時彼比丘聞佛所說嚴淨國土，皆悉覩見。超發無上殊勝之願，其心寂靜，志無所著，一切世間無能及者。具足五劫，思惟攝取莊嚴佛國清淨之行。

阿難白佛：「彼佛國土壽量幾何？」佛言：「其佛壽命四十二劫。」時法藏比丘攝取二百一十億諸佛妙土清淨之行。如是修已，詣彼佛所，稽首禮足，遶佛三匝，合掌而住，白言：「世尊！我已攝取莊嚴佛土清淨之行。」

佛告比丘：「汝今可說，宜知是時。發起悅可一切大眾。菩薩聞已，修行此法，緣致滿足無量大願。」比丘白佛：「唯垂聽察，如我所願，當具說之。」

一心恭誦：

西方極樂世界。

(就地一拜)

大慈大悲阿彌陀佛四十八大願。

第一大願 國無惡道願：

設我得佛。國有地獄餓鬼畜生者。不取正覺。

第二大願 不更惡道願：

設我得佛。國中天人壽終之後。
復更三惡道者。不取正覺。

第三大願 身真金色願：

設我得佛。國中天人不知悉真金色者。

不取正覺。

第四大願 形色相同願：

設我得佛。國中天人形色不同有好醜者
不取正覺。

第五大願 宿命智通願：

設我得佛。國中天人不識宿命。下至知
百千億那由他諸劫事者。不取正覺。

第六大願 天眼普見願：

設我得佛。國中天人不得天眼。下至見
百千億那由他諸佛國者。不取正覺。

第七大願 天耳普聞願：

設我得佛。國中天人不得天耳。下至聞
百千億那由他諸佛所說。不悉受持者。
不取正覺。

第八大願 他心悉知願：

設我得佛。國中天人不得見他心智。

下至知百千億那由他諸佛國中眾生心
念者。不取正覺。

第九大願 神足無礙願：

設我得佛。國中天人不得神足。於一念

頃。下至不能超過百千億那由他諸佛國者。不取正覺。

第十大願 不貪計身願：

設我得佛。國中天人若起想念貪計身者不取正覺。

第十一大願 住定證滅願：

設我得佛。國中天人不住定聚必至滅度者。不取正覺。

註滅度：涅槃經二十九曰：「滅生死故，名為滅度。」肇論曰：「滅度者，言其大患永滅，超度四流。」

註定聚：三定聚之一。正定聚，邪定聚，不定聚，稱三定聚。正定聚：三乘之行人，各修其因，正得其果之位也。又名不退位。

第十二大願 光明無量願：

設我得佛。光明有能限量。下至不照百千億那由他諸佛國者。不取正覺。

第十三大願 壽命無量願：

設我得佛。壽命有能限量。下至百千億那由他劫者。不取正覺。

第十四大願 聲聞無數願：

設我得佛。國中聲聞有能計量。乃至三千大千世界眾生悉成緣覺。於百千劫

悉共計校。知其數者。不取正覺。

第十五大願 隨願修短願：

設我得佛。國中天人壽命。無能限量。除其本願修短自在。若不爾者。不取

正覺。

第十六大願 不聞惡名願：

設我得佛。國中天人。乃至聞有不善名者。不取正覺。

第十七大願 諸佛稱歎願：

設我得佛。十方世界無量諸佛。不悉咨¹⁷嗟稱我名者。不取正覺。

（註 咨嗟：稱揚讚歎）

第十八大願 十念必生願：

設我得佛。十方眾生。至心信樂。欲生我國。乃至十念。若不生者。不取正覺。唯除五逆。誹謗正法。

註 五種極逆於理的罪惡，即殺父、殺母、殺阿羅漢、出佛身之血，破和合之僧。因此五種

是極端罪惡的行為，任犯一種，即墮無間地獄，故又名無間業。

註 十念：1．念十聲的南無阿彌陀佛。2．念十口氣的南無阿彌陀佛。

第十九大願 臨終接引願：

設我得佛。十方眾生。發菩提心。修諸功德。至心發願。欲生我國。臨壽終時。假令不與大眾圍繞現其人前者。不取正覺。

第二十大願 欲生果遂願：

設我得佛。眾生聞我名號。繫念我國。植眾德本。至心迴向。欲生我國。不果遂者。不取正覺。

第二十一大願 三十二相願：

設我得佛。國中天人。不悉成滿三十二大人相者。不取正覺。

第二十二大願 一生補處願：

設我得佛。他方佛土諸菩薩眾。來生我國。究竟必至一生補處。除其本願自在所化。為眾生故。被弘誓鎧^{クニ}。積累德本。度脫一切。遊諸佛國。修菩薩行。供養十方諸佛如來。開化恒沙無量眾生。使立無上正真之道。超出常倫諸地之行。現前修習普賢之德。若不爾者。不取正覺。

註 一生補處：盡此一生就能補到佛位的意思，是最後身菩薩的別號，如現在居於兜率天的彌勒菩薩，就是一生補處菩薩。

第二十三大願 供養諸佛願：

設我得佛。國中菩薩。承佛神力。供養諸佛。一食之頃。不能徧至無量無數億那由他諸佛國者。不取正覺。

第二十四大願 供具隨意願：

設我得佛。國中菩薩，在諸佛前。現其德本。諸所求欲供養之具。若不如意者。不取正覺。

第二十五大願 演說妙智願：

設我得佛。國中菩薩。不能演說一切智者。不取正覺。

註 一切智：中論疏九末曰：「知一切法，名一切智。」智度論云：如函大蓋亦大，還以無盡之智，知無盡法，是故如來名一切智。

第二十六大願 那羅延身願：

設我得佛。國中菩薩。不得金剛那羅延身者。不取正覺。

註 金剛那羅延身：謂其體堅固如金剛，其力強如那羅延神之身也。譯言勝力，或堅牢。天上力士之名。

第二十七大願 一切嚴淨願：

設我得佛。國中天人。一切萬物。嚴淨光麗。形色殊特。窮微極妙。無能稱量。其諸眾生。乃至逮得^{カク}天眼。有能明了辨其名數者。不取正覺。

第二十八大願 道樹高顯願：

設我得佛。國中菩薩。乃至少功德者，不能知見其道場樹。無量光色高四百萬里者。不取正覺。

第二十九大願 誦經得慧願：

設我得佛。國中菩薩。若受讀經法。諷誦持說。而不得辯才智慧者。不取正覺。

第三十大願 慧辯無限願：

設我得佛。國中菩薩。智慧辯才。若可限量者。不取正覺。

第三十一大願 照見十方願：

設我得佛。國土清淨。皆悉照見十方一切無量無數不可思議諸佛世界。猶如明鏡。覩^{カク}其面像。若不爾者。不取正覺。

第三十二大願 寶香妙嚴願：

設我得佛。自地已上。至於虛空。宮殿樓觀。池流華樹。國中所有。一切萬物。皆以無量雜寶。百千種香。而共合成。嚴飾奇妙。超諸人天。其香普熏十方世界。菩薩聞者。皆修佛行。若不爾者。不取正覺。

第三十三大願 蒙光柔軟願：

設我得佛。十方無量不可思議諸佛世界眾生之類。蒙我光明觸其體者。身心柔軟。超過人天。若不爾者。不取正覺。

第三十四大願 聞名得忍願：

設我得佛。十方無量不可思議諸佛世界眾生之類。聞我名字。不得菩薩無生法忍。諸深總持者。不取正覺。

註 總持：梵語陀羅尼，譯言總持。持善不失，持惡不起之義。口念與定慧為體，菩薩所修之念定慧具此功德也。

註 無生法者：遠離生滅之真如實相理體也，真智安住於此理而不動，謂之無生法忍。於初地或七八九地所得之悟也。

第三十五大願 脫離女身願：

設我得佛。十方無量不可思議諸佛世界其有女人聞我名字。歡喜信樂。發菩提心。厭惡女身。壽終之後。復為女像者。不取正覺。

註 發菩提心：梵語菩提，謂菩薩發無量菩提心，恒起大悲，救護眾生，攝化成就，即得生如來家，是名發菩提心受生藏。

第三十六大願 常修梵行願：

設我得佛。十方無量不可思議諸佛世界諸菩薩眾。聞我名字。壽終之後。常修

梵行。至成佛道。若不爾者。不取正覺。

註 梵行：梵者清淨之義，斷婬欲之法為梵行，即梵天之行法也。修梵行則生梵天。

第三十七大願 天人致敬願：

設我得佛。十方無量不可思議諸佛世界諸天人民。聞我名字。五體投地。稽首作禮。歡喜信樂。修菩薩行。諸天世人。莫不致敬。若不爾者。不取正覺。

62

第三十八大願 衣服隨念願：

設我得佛。國中天人。欲得衣服。隨念即至。如佛所讚應法妙服。自然在身。有求裁縫擣染浣濯者。不取正覺。

63

第三十九大願 樂如漏盡願：

設我得佛。國中天人所受快樂。不如漏盡比丘者。不取正覺。

註 漏盡比丘：斷盡一切煩惱的比丘，即阿羅漢。

64

第四十大願 樹中現刹願：

設我得佛。國中菩薩。隨意欲見十方無量嚴淨佛土。應時如願。於寶樹中。皆悉照見。猶如明鏡。覩其面像。若不爾者。不取正覺。

65

第四十一大願 諸根無缺願：

設我得佛。他方國土諸菩薩眾。聞我名字。至於得佛。諸根缺漏不具足者。不取正覺。

註 諸根：信勤念定慧之五根，其他一切之善根也。無量壽經曰：「諸根智慧。」又眼耳鼻舌身之五根也。

66

第四十二大願 清淨解脫願：

設我得佛。他方國土諸菩薩眾。聞我名字。皆悉逮得清淨解脫三昧。住是三昧。一發意頃。供養無量不可思議諸佛世尊。而不失定意。若不爾者。不取正覺。

註 清淨解脫三昧：三昧又名三摩地，華譯為正定，即離諸邪亂，攝心不散的意思。所住之三昧，無垢清淨，離一切之繫縛而自在，名曰清淨解脫三昧。

第四十三大願 聞名得福願：

設我得佛。他方國土諸菩薩眾。聞我名字。壽終之後。生尊貴家。若不爾者。不取正覺。

第四十四大願 修行具德願：

設我得佛。他方國土諸菩薩眾。聞我名字。歡喜踊躍。修菩薩行。具足德本。若不爾者。不取正覺。

第四十五大願 普等三昧願：

設我得佛。他方國土諸菩薩眾。聞我名字。皆悉逮得普等三昧。住是三昧。至於成佛。常見無量不可思議諸佛。若不爾者。不取正覺。

註 普等三昧：普者普遍，等者齊等也，住此三昧則普見一切諸佛，故名普等三昧。無量壽經上曰：「逮得普等三昧，住是三昧，至於成

佛常見無量不可思議一切諸佛。」悲華經謂之遍至三昧，分陀利經謂之普至三昧，莊嚴經謂之普遍三摩地。

第四十六大願 隨願聞法願：

設我得佛。國中菩薩。隨其志願所欲聞法。自然得聞。若不爾者。不取正覺。

第四十七大願 聞名不退願：

設我得佛。他方國土諸菩薩眾。聞我名字。不即得至不退轉者。不取正覺。

註 不退轉：所修之功德善根愈增愈進，不更退失轉變也。略云不退，即梵語之阿毘跋致也

第四十八大願 得三法忍願：

設我得佛。他方國土諸菩薩眾。聞我名字。不即得至第一忍 第二 第三法忍。於諸佛法。不能即得不退轉者。不取正覺。

註 三法忍：往生極樂之人聞七寶樹林之音聲，

而得三種之忍：一音響忍，由音響而悟解真理者。二柔順忍，慧心柔軟，能隨順真理者。

三無生法忍，證無生之實性而離諸相者，是悟道之至極也。

佛告阿難：「爾時，法藏比丘說此願已，而說頌曰：

我建超世願，必至無上道，
斯願不滿足，誓不成等覺。

我於無量劫，不為大施主，
普濟諸貧苦，誓不成等覺。

我至成佛道，名聲超十方，
究竟靡不聞，誓不成等覺。

離欲深正念，淨慧修梵行，
志求無上道，為諸天人師。

神力演大光，普照無際土，
消除三垢冥，明濟眾厄難。

開彼智慧眼，滅此昏盲闇，
閉塞諸惡道，通達善趣門。

功祚^{TXC}成滿足，威曜朗十方，

日月戢重暉，天光隱不現。
為眾開法藏，廣施功德寶，
常於大眾中，說法師子吼。
供養一切佛，具足眾德本，
願慧悉成滿，得為三界雄。
如佛無量智，通達靡不遍，
願我功德力，等此最勝尊。
斯願若剋果，大千應感動，
虛空諸天人，當雨珍妙華。」

佛語阿難：「法藏比丘說此頌已，
應時普地六種震動，天雨妙華以散其
上，自然音樂空中讚言：

『決定必成無上正覺。』」

南無西方極樂世界。大慈大悲。阿彌陀
佛。（三稱三拜）

彌陀讚

彌陀佛。大願王。慈悲喜捨難量。
眉間常放白毫光。度眾生極樂邦。
八德池中蓮九品。七寶妙樹成行。
如來聖號若宣揚。接引往西方。

彌陀聖號若稱揚。同願往西方。

讚佛偈

阿彌陀佛身金色。相好光明無等倫。
白毫宛轉五須彌。紺目澄清四大海。
光中化佛無數億。化菩薩眾亦無邊。
四十八願度眾生。九品咸令登彼岸。
南無西方極樂世界。大慈大悲。
阿彌陀佛。
南無阿彌陀佛。（數百千聲）

南無觀世音菩薩。(三稱)

南無大勢至菩薩。(三稱)

南無清淨大海眾菩薩。(三稱)

拔一切業障根本得生淨土陀羅尼。

南無阿彌多婆夜。哆他伽哆夜。哆地夜

他阿彌唎都婆毘阿彌唎哆悉耽婆

毘阿彌唎哆毘迦蘭帝阿彌唎哆毘

迦蘭哆伽彌膩伽伽那枳多迦隸娑

婆訶 (誦三遍)

大慈菩薩發願偈 (以下兩種「迴向文」可二擇一)

十方三世佛。阿彌陀第一。九品度眾生。

威德無窮極

我今大皈依。懺悔三業罪。凡有諸福善。

至心用迴向

願同念佛人。感應隨時現。臨終西方境。

分明在目前

見聞皆精進。同生極樂國。見佛了生死。

如佛度一切

無邊煩惱斷。無量法門修。誓願度眾生。

總願成佛道。

虛空有盡。我願無窮。情與無情。同圓

種智

十方三世一切佛。一切菩薩摩訶薩。摩

訶般若波羅蜜。

一心歸命 極樂世界 阿彌陀佛。

願以淨光照我、慈誓攝我。我今正念稱如來名，為菩提道，求生淨土。佛昔本誓：『若有眾生，欲生我國，志心信樂，乃至十念，若不生者，不取正覺。』以此念佛因緣，得入如來大誓海中。承佛慈力，眾罪消滅，善根增長。若臨命終，自知時至，身無病苦，心不貪戀，意不顛倒，如入禪定；佛及聖眾，手執金臺，來迎接我，於一念頃，生極樂國。花開見佛，即聞佛乘，頓開佛慧，廣度眾生，滿菩提願。十方三世一切佛，一切菩薩摩訶薩，摩訶般若波羅密。

南無西方極樂世界。大慈大悲。

阿彌陀佛。（三稱三拜）

三皈依

自皈依佛，當願眾生：體解大道，發無上心。

自皈依法，當願眾生：深入經藏，智慧如海。

自皈依僧，當願眾生：統理大眾，一切無礙。

和南聖眾。

迴向偈

願以此功德 莊嚴佛淨土
上報四重恩 下濟三途苦
若有見聞者 悉發菩提心
盡此一報身 同生極樂國

願生西方淨土中 九品蓮花為父母

花開見佛悟無生 不退菩薩為伴侶。

蓮池大師發願文

稽首西方安樂國 接引眾生大導師

我今發願願往生 惟願慈悲哀攝受

弟子某甲(眾等) 普為四恩三有，法界眾生，求於諸佛一乘無上菩提道故，專心持念阿彌陀佛，萬德洪名，期生淨土。又以業重福輕，障深慧淺，染心易熾，淨德難成。今於佛前，翹勤五體，披瀝一心，投誠忏悔。我及眾生，曠劫以來，迷本淨心，縱貪瞋癡，染穢三業，無量無邊；所作罪垢，無量無邊；所結冤業，願悉消滅。從於今日，立深誓願。遠離惡法，誓不更造；勤修聖道，誓不退惰；誓成正覺，誓度眾生。阿彌陀佛，以慈悲願力，當證知我，當哀愍我，當加被我。願觀之中，夢寐之際，得見阿彌陀佛金色之身，得歷阿彌陀佛寶嚴之土，得蒙阿彌陀佛甘露灌頂，光明照身，手摩我頂，衣覆我體。使我宿障自除，善根增長，疾空煩惱，頓破無明。圓覺妙心，廓然開悟。寂光真境，常得現前。至於臨欲終前，預知時至，身無一切病苦厄難，心無一切貪戀迷惑；諸根悅豫，正念分明，捨報安祥，如入禪定。阿彌陀佛，與觀音勢至，諸聖賢眾，放光接引，垂手提攜。樓閣幢幡，異香天樂，西方聖境，昭示目前。令諸眾生，見者聞者，歡喜感歎，發菩提心。我於爾時 乘金剛台，隨從佛後，如彈指頃，生極樂國。七寶池內，勝蓮華中，華開見佛，見諸菩薩；聞妙法音，獲無生忍。於須臾間，承事諸佛，親蒙授記。得授記已，三身四智，五眼六通，無量百千陀羅尼門，一切功德，皆悉成就。然後不違安養，回入娑婆。分身無數，遍十方刹。以不可思議自在神力，種種方便，度脫眾生。咸令離染，還得淨心；同生西方，入不退地。如此大願，世界無盡，眾生無盡，業及煩惱，一切無盡，我願無盡。願今禮佛發願，修持功德，回施有情，四恩總報，三有齊資，法界眾生，同圓種智。

南無西方極樂世界 大慈大悲阿彌陀佛

(三稱三拜)

姚秦天竺三藏法師 鳩摩羅什 譯

佛說阿彌陀經

佛陀教育基金會印贈

蓮池讚

蓮池海會。彌陀如來。觀音勢至坐蓮臺。接引上金階。大誓弘開。普願離塵埃。南無蓮池海會菩薩摩訶薩。(三稱)南無蓮池海會佛菩薩。(三稱)

佛說阿彌陀經。

姚秦三藏法師鳩摩羅什師 譯

如是我聞。一時佛在舍衛國。祇樹給孤獨園。與大比丘僧。千二百五十人俱。皆是阿羅漢。眾所知識。長老舍利弗。摩訶目犍連。摩訶迦葉。摩訶迦旃延。摩訶俱絺羅。離婆多。周利槃陀伽。難陀。阿難陀。羅睺羅。憍梵波提。賓頭盧頗羅墮。迦留陀夷。摩訶劫賓那。薄拘羅。阿菟樓駄。如是等諸大弟子。并諸菩薩摩訶薩。文殊師利法王

子。阿逸多菩薩。乾陀訶提菩薩。常精進菩薩。與如是等諸大菩薩。及釋提桓因等。無量諸天大眾俱。爾時佛告長老舍利弗。從是西方。過十萬億佛土。有世界名曰極樂。其土有佛。號阿彌陀。今現在說法。舍利弗。彼土何故名為極樂。其國眾生。無有眾苦。但受諸樂。故名極樂。又舍利弗。極樂國土。七重欄楯。七重羅網。七重行樹。皆是四寶周帀圍繞。是故彼國名為極樂。又舍利弗。極樂國土。有七寶池。八功德水充滿其中。池底純以金沙布地。四邊階道。金。銀。瑠璃。玻瓈合成。上有樓閣。亦以金。銀。瑠璃。玻瓈。磲磔。赤珠。瑪瑙。而嚴飾之。池中蓮華。大如車輪。青色青光。黃色黃光。赤色赤光。白色白光。微妙香潔。舍利弗。極樂國土。成就如是功德莊嚴。又舍利弗。彼佛國土。常作天樂。黃金為地。晝夜六時。雨天曼陀羅華。其土眾生。常以清旦。各以衣祴。盛眾妙華。供養他方十萬億佛。即以食時。還到本國。飯食經行。舍利弗。極樂國土。成就如是功德莊嚴。復次舍利弗。彼國常有種種奇妙雜色之鳥。白鶴。孔雀。鸚鵡。舍利。迦陵頻伽。共命之鳥。是諸眾鳥。晝夜六時。出和雅音。其音演暢五根。五力。七菩提分。八聖道分。如是等法。其土眾生。聞是音已。皆悉念佛。念法。念僧。舍利弗。汝勿謂此鳥。實是罪報所生。所以者何。彼佛國土。無三惡道。舍利弗。其佛國土。尚無惡道之名。何況有實。是諸眾鳥。皆是阿彌陀佛。欲令法音宣

流。變化所作。舍利弗。彼佛國土。微風吹動。諸寶行樹。及寶羅網。出微妙音。譬如百千種樂。同時俱作。聞是音者。自然皆生念佛。念法。念僧之心。舍利弗。其佛國土。成就如是功德莊嚴。舍利弗。於汝意云何。彼佛何故號阿彌陀。舍利弗。彼佛光明無量。照十方國。無所障礙。是故號為阿彌陀。又舍利弗。彼佛壽命。及其人民。無量無邊阿僧祇劫。故名阿彌陀。舍利弗。阿彌陀佛。成佛已來。於今十劫。又舍利弗。彼佛有無量無邊聲聞弟子。皆阿羅漢。非是算數之所能知。諸菩薩眾。亦復如是。舍利弗。彼佛國土。成就如是功德莊嚴。又舍利弗。極樂國土。眾生生者。皆是阿鞞跋致。其中多有一生補處。其數甚多。非是算數所能知之。但可以無量無邊阿僧祇說。舍利弗。眾生聞者。應當發願。願生彼國。所以者何。得與如是諸上善人俱會一處。舍利弗。不可以少善根福德因緣。得生彼國。舍利弗。若有善男子。善女人。聞說阿彌陀佛。執持名號。若一日。若二日。若三日。若四日。若五日。若六日。若七日。一心不亂。其人臨命終時。阿彌陀佛。與諸聖眾。現在其前。是人終時。心不顛倒。即得往生阿彌陀佛極樂國土。舍利弗。我見是利。故說此言。若有眾生。聞是說者。應當發願。生彼國土。舍利弗。如我今者。讚歎阿彌陀佛。不可思議功德之利。東方亦有阿閼鞞佛。須彌相佛。大須彌佛。須彌光佛。妙音佛。如是等恆河沙數諸佛。各於其國。出廣

長舌相。徧覆三千大千世界。說誠實言。汝等眾生。當信是稱讚不可思議功德。一切諸佛所護念經。舍利弗。南方世界。有日月燈佛。名聞光佛。大燄肩佛。須彌燈佛。無量精進佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等眾生。當信是稱讚不可思議功德。一切諸佛所護念經。舍利弗。西方世界。有無量壽佛。無量相佛。無量幢佛。大光佛。大明佛。寶相佛。淨光佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等眾生。當信是稱讚不可思議功德。一切諸佛所護念經。舍利弗。北方世界。有燄肩佛。最勝音佛。難沮佛。日生佛。網明佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等眾生。當信是稱讚不可思議功德。一切諸佛所護念經。舍利弗。下方世界。有師子佛。名聞佛。名光佛。達摩佛。法幢佛。持法佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等眾生。當信是稱讚不可思議功德。一切諸佛所護念經。舍利弗。上方世界。有梵音佛。宿王佛。香上佛。香光佛。大燄肩佛。雜色寶華嚴身佛。娑羅樹王佛。寶華德佛。見一切義佛。如須彌山佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等眾生。當信是稱讚不可思議功德。一切諸佛所護念經。舍利弗。於汝意云何。何故名

為一切諸佛所護念經。舍利弗。若有善男子。善女人。聞是經受持者。及聞諸佛名者。是諸善男子。善女人。皆為一切諸佛之所護念。皆得不退轉於阿耨多羅三藐三菩提。是故舍利弗。汝等皆當信受我語。及諸佛所說。舍利弗。若有人已發願。今發願。當發願。欲生阿彌陀佛國者。是諸人等。皆得不退轉於阿耨多羅三藐三菩提。於彼國土若已生。若今生。若當生。是故舍利弗。諸善男子。善女人。若有信者。應當發願。生彼國土。舍利弗。如我今者。稱讚諸佛不可思議功德。彼諸佛等。亦稱讚我不可思議功德。而作是言。釋迦牟尼佛能為甚難希有之事。能於娑婆國土。五濁惡世。劫濁。見濁。煩惱濁。眾生濁。命濁中。得阿耨多羅三藐三菩提。為諸眾生。說是一切世間難信之法。舍利弗。當知我於五濁惡世。行此難事。得阿耨多羅三藐三菩提。為一切世間。說此難信之法。是為甚難。佛說此經已。舍利弗。及諸比丘。一切世間。天人阿修羅等。聞佛所說。歡喜信受。作禮而去。

佛說阿彌陀經。

拔一切業障根本得生淨土陀羅尼。

南無阿彌多婆夜。	哆他伽哆夜。	哆地夜
他阿彌唎都婆毘	阿彌唎哆悉耽婆	
毘阿彌唎哆	毘迦蘭帝	阿彌唎哆
迦蘭哆	伽彌膩	伽伽那
		枳多迦隸
		娑

婆訶[◎]（誦三遍）

彌陀讚

彌陀佛[◎]。大願王。慈悲喜捨難量。眉間常放白毫光。度眾生極樂邦[◎]。八德池中蓮九品。七寶妙樹成行。如來聖號若宣揚。接引往西方。彌陀聖號若稱揚。同願往西方[◎]。

讚佛偈

阿彌陀佛身金色[◎]。相好光明無等倫
白毫宛轉五須彌[◎]。紺目澄清四大海
光中化佛無數億[◎]。化菩薩眾亦無邊[◎]
四十八願度眾生[◎]。九品咸令登彼岸
南無西方極樂世界[◎]。大慈大悲

阿彌陀佛

南無阿彌陀佛（數百千聲）

南無觀世音菩薩[◎]（三稱）

南無大勢至菩薩[◎]（三稱）

南無清淨大海眾菩薩[◎]（三稱）

迴向文（以下兩種「迴向文」，隨用一種皆可）

慈雲懺主淨土文

一心歸命 極樂世界 阿彌陀佛[◎]

願以淨光照我 慈誓攝我 我今正念

稱如來名 為菩提道 求生淨土 佛昔

本誓 若有眾生 欲生我國 至心信

樂 乃至十念 若不生者 不取正覺

以此念佛因緣[◎] 得入如來 大誓海中

承佛慈力 眾罪消滅 善根增長 若臨

命終 自知時至 身無病苦 心不貪

戀 意不顛倒 如入禪定 佛及聖眾

手持金臺 來迎接我 於一念頃 生極

樂國。華開見佛。即聞佛乘。頓開佛
慧。廣度眾生。滿菩提願。十方三世一
切佛。一切菩薩摩訶薩。摩訶般若波羅
蜜。

大慈菩薩發願偈

十方三世佛。阿彌陀第一
九品度眾生。威德無窮極
我今大皈依。懺悔三業罪
凡有諸福善。至心用回向
願同念佛人。感應隨時現

臨終西方境。分明在目前
見聞皆精進。同生極樂國。
見佛了生死。如佛度一切
無邊煩惱斷。無量法門修
誓願度眾生。總願成佛道

虛空有盡。我願無窮
情與無情。同圓種智
十方三世一切佛。一切菩薩摩訶薩
摩訶般若波羅蜜。

三皈依

自皈依佛。當願眾生。體解大道。發無

上心。

自皈依法。當願眾生。深入經藏。智慧

如海。

自皈依僧。當願眾生。統理大眾。一切

無礙。和南聖眾。

迴向偈

願生西方淨土中。九品蓮花為父母
花開見佛悟無生。不退菩薩為伴侶

願以此功德 莊嚴佛淨土
上報四重恩 下濟三途苦
若有見聞者 悉發菩提心
盡此一報身 同生極樂國
誦經功德殊勝行 無邊勝福皆回向
普願沈溺諸眾生 速往無量光佛刹
十方三世一切佛 一切菩薩摩訶薩
摩訶般若波羅蜜。
千手千眼無礙大悲心陀羅尼

《咒語之文字及注音以淨律寺出版之「佛門必備課誦本」為主》

南無喝囉怛那哆囉夜耶 南無阿唎耶
婆盧羯帝爍鉢囉耶 菩提薩埵婆耶 摩
訶薩埵婆耶 摩訶迦盧尼迦耶 唵 薩
皤囉罰曳 數怛那怛寫 南無悉吉唎呬
埵伊蒙阿唎耶 婆盧吉帝室佛囉楞馱
婆 南無那囉謹墀 醯唎摩訶皤哆沙
咩 薩婆阿他豆輸朋 阿逝孕 薩婆薩
哆那摩婆薩哆 那摩婆伽 摩罰特豆
怛姪他 唵 阿婆盧醯 盧迦帝 迦羅
帝 夷醯唎 摩訶菩提薩埵 薩婆薩
婆 摩囉摩囉 摩醯摩醯唎馱孕 俱盧
俱盧羯蒙 度盧度盧罰闍耶帝 摩訶罰
闍耶帝 陀囉陀囉 地唎尼 室佛囉
耶 遮囉遮囉 麼麼罰摩囉 穆帝唎
伊醯伊醯 室那室那 阿囉唵佛囉舍
利 罰沙罰唵 佛囉舍耶 呼盧呼盧摩
囉 呼盧呼盧醯利 娑囉娑囉 悉唎悉
唎 蘇嚕蘇嚕 菩提夜菩提夜 菩馱夜
菩馱夜 彌帝唎夜 那囉謹墀 地利瑟
尼那 婆夜摩那 娑婆訶 悉陀夜 娑

婆訶 摩訶悉陀夜 娑婆訶 悉陀喻
藝 室皤囉耶 娑婆訶 那囉謹墀 娑
婆訶 摩囉那囉 娑婆訶 悉囉僧阿穆
佉耶 娑婆訶 娑婆摩訶阿悉陀夜 娑
婆訶 者吉囉阿悉陀夜 娑婆訶 波陀
摩羯悉陀夜 娑婆訶 那囉謹墀皤伽囉
耶 娑婆訶 摩婆利勝羯囉夜 娑婆
訶 南無喝囉怛那哆囉夜耶 南無阿唎
耶 娑嚧吉帝 爍皤囉夜 娑婆訶
唵 悉殿都 漫多囉 跋陀耶 娑婆訶

大勢至菩薩念佛圓通章

唐天竺沙門般刺蜜諦譯

大勢至法王子與其同倫五十二菩薩即從
座起。頂禮佛足而白佛言。我憶往昔恒
河沙劫。有佛出世名無量光。十二如來
相繼一劫。其最後佛名超日月光。彼佛
教我念佛三昧。譬如有人。一專為憶一
人專忘。如是二人若逢不逢。或見非見。
二人相憶一憶念深。如是乃至從生至
生。同於形影不相乖異。十方如來憐念
眾生如母憶子。若子逃逝雖憶何為。子
若憶母如母憶時。母子歷生不相違遠。
若眾生心憶佛念佛。現前當來必定見佛
去佛不遠。不假方便自得心開。如染香
人身有香氣。此則名曰香光莊嚴。我本
因地以念佛心入無生忍。今於此界攝念
佛人歸於淨土。佛問圓通。我無選擇。
都攝六根。淨念相繼得三摩地斯為第一。

般若波羅蜜多心經

觀自在菩薩。行深般若波羅蜜多時。照見五蘊皆空。度一切苦厄。舍利子。色不異空。空不異色。色即是空。空即是色。受想行識。亦復如是。舍利子。是諸法空相。不生不滅。不垢不淨。不增不減。是故空中無色。無受想行識。無眼耳鼻舌身意。無色聲香味觸法。無眼界。乃至無意識界。無無明。亦無無明盡。乃至無老死。亦無老死盡。無苦集滅道。無智亦無得。以無所得故。菩提薩埵。依般若波羅蜜多故。心無罣礙。無罣礙故。無有恐怖。遠離顛倒夢想。究竟涅槃。三世諸佛。依般若波羅蜜多故。得阿耨多羅三藐三菩提。故知般若波羅蜜多。是大神咒。是大明咒。是無上咒。是無等等咒。能除一切苦。真實不虛。故說般若波羅蜜多咒。即說咒曰。揭諦。揭諦。波羅揭諦。波羅僧揭諦。菩提薩婆訶。

附錄

無量壽經優波提舍願生偈

世尊我一心 歸命盡十方
無礙光如來 願生安樂國

元魏天竺三藏菩提流支譯
婆藪槃豆菩薩造

我依修多羅 真實功德相
說願偈總持 與佛教相應
觀彼世界相 勝過三界道
究竟如虛空 廣大無邊際
正道大慈悲 出世善根生

淨光明滿足	如鏡日月輪	備諸珍寶性	具足妙莊嚴	無垢光焰熾	明淨曜世間	寶性功德草	柔軟左右旋	觸者生勝樂	過迦旃隣陀	寶華千萬種	彌覆池流泉	微風動華葉	交錯光亂轉	宮殿諸樓閣	觀十方無礙	雜樹異光色	寶欄遍圍繞	無量寶交絡	羅網遍虛空	種種鈴發響	宣吐妙法音	雨華衣莊嚴	無量香普熏	佛慧明淨日	除世癡闇冥	梵聲語深遠	微妙聞十方	正覺阿彌陀	法王善住持	如來淨華眾	正覺華化生	愛樂佛法味	禪三昧為食	永離身心惱	受樂常無間	大乘善根界	等無譏嫌名	女人及根缺	二乘種不生	眾生所願樂	一切能滿足	故我願往生	阿彌陀佛國	無量大寶王	微妙淨花臺	相好光一尋	色像超群生	如來微妙聲	梵響聞十方	同地水火風	虛空無分別	天人不動眾	清淨智海生	如須彌山王	勝妙無過者	天人丈夫眾	恭敬繞瞻仰	觀佛本願力	遇無空過者
-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------

能令速滿足 功德大寶海
安樂國清淨 常轉無垢輪
化佛菩薩日 如須彌住持
無垢莊嚴光 一念及一時
普照諸佛會 利益諸群生

雨天樂花衣 妙香等供養
讚佛諸功德 無有分別心
何等世界無 佛法功德寶
我皆願往生 示佛法如佛
我作論說偈 願見彌陀佛

普共諸眾生 往生安樂國

無量壽修多羅章句。我以偈總說竟。論曰。此願偈明何義。觀安樂世界。見阿彌陀佛。願生彼國土故。云何觀。云何生信心。若善男子善女人。修五念門成就者。畢竟得生安樂國土。見彼阿彌陀佛。何等五念門。一者禮拜門。二者讚歎門。三者作願門。四者觀察門。五者迴向門。云何禮拜。身業禮拜阿彌陀如

來。應。正遍知。為生彼國意故。云何讚歎。口業讚歎。稱彼如來名。如彼如來光明智相。如彼名義。欲如實修行相應故。云何作願。心常作願。一心專念畢竟往生安樂國土。欲如實修行奢摩他故。云何觀察。智慧觀察。正念觀彼。欲如實修行毘婆舍那故。彼觀察有三種。何等三種。一者觀察彼佛國土功德莊嚴。二者觀察阿彌陀佛功德莊嚴。三者觀察彼諸菩薩功德莊嚴。云何迴向。不捨一切苦惱眾生。心常作願迴向為首。成就

大悲心故。云何觀察彼佛國土功德莊嚴。彼佛國土功德莊嚴者。成就不可思議力故。如彼摩尼如意寶性。相似相對法故。觀察彼佛國土功德莊嚴者。有十七種事應知。何者十七。一者清淨功德成就。二者量功德成就。三者性功德成就。四者形相功德成就。五者種種事功德成就。六者妙色功德成就。七者觸功德成就。八者莊嚴功德成就。九者雨功德成就。十者光明功德成就。十一者聲功德成就。十二者主功德成就。十三者眷屬

功德成就。十四者受用功德成就。十五者無諸難功德成就。十六者大義門功德成就。十七者一切所求功德成就。清淨功德成就者。偈言觀彼世界相。勝過三界道故。量功德成就者。偈言究竟如虛空。廣大無邊際故。性功德成就者。偈言正道大慈悲。出世善根生故。形相功德成就者。偈言淨光明滿足。如鏡日月輪故。種種事功德成就者。偈言備諸珍寶性。具足妙莊嚴故。妙色功德成就者。偈言無垢光焰熾。明淨曜世間故。觸功德成

就者。偈言寶性功德草。柔軟左右旋。觸者生勝樂。過迦旃隣陀故。莊嚴功德成就者。有三種應知。何等三。一者水。二者地。三者虛空。莊嚴水者。偈言寶華千萬種。彌覆池流泉。微風動華葉。交錯光亂轉故。莊嚴地者。偈言宮殿諸樓閣。觀十方無礙。雜樹異光色。寶欄遍圍繞故。莊嚴虛空者。偈言無量寶交絡。羅網遍虛空。種種鈴發響。宣吐妙法音故。雨功德成就者。偈言雨華衣莊嚴。無量香普熏故。光明功德成就者。偈言佛慧明淨日。除世癡闇冥故。妙聲功德成就者。偈言梵聲語深遠。微妙聞十方故。主功德成就者。偈言正覺阿彌陀。法王善住持故。眷屬功德成就者。偈言如來淨華眾。正覺華化生故。受用功德成就者。偈言愛樂佛法味。禪三昧為食故。無諸難功德成就者。偈言永離身心惱。受樂常無間故。大義門功德成就者。偈言大乘善根界。等無譏嫌名。女人及根缺。二乘種不生故。淨土果報離二種譏嫌過應知。一者體。二者名。體有三種。

一者二乘人。二者女人。三者諸根不具人。無此三過故。名離體譏嫌。名亦三種。非但無三體。乃至不聞二乘。女人。諸根不具三種名故。名離名譏嫌。等者。平等一相故。一切所求功德滿足成就者。偈言眾生所願樂。一切能滿足故。略說彼阿彌陀佛國土莊嚴十七種功德。示現如來自身利益大功德力。成就利益他功德成就故。彼無量壽佛土莊嚴。第一義諦妙境界。十六句及一句次第說應知。云何觀佛功德莊嚴成就。觀佛功德莊

嚴成就者。有八種應知。何等八種。一者座莊嚴。二者身莊嚴。三者口莊嚴。四者心莊嚴。五者眾莊嚴。六者上首莊嚴。七者主莊嚴。八者不虛作住持莊嚴。何者座莊嚴。偈言無量大寶王。微妙淨華臺故。何者身莊嚴。偈言相好光一尋。色像超群生故。何者口莊嚴。偈言如來微妙聲。梵響聞十方故。何者心莊嚴。偈言同地水火風。虛空無分別故。無分別者。無分別心故。何者眾莊嚴。偈言天人不動眾。清淨智海生故。何者上首莊嚴。

偈言如須彌山王。勝妙無過者故。何者主莊嚴。偈言天人丈夫眾。恭敬繞瞻仰故。何者不虛作住持莊嚴。偈言觀佛本願力。遇無空過者。能令速滿足。功德大寶海故。即見彼佛。未證淨心菩薩畢竟得平等法身。與淨心菩薩無異。淨心菩薩與上地諸菩薩畢竟同得寂滅平等故。略說八句。示現如來自利利他功德莊嚴次第成就應知。云何觀菩薩功德莊嚴成就。觀菩薩功德莊嚴成就者。觀彼菩薩有四種正修行功德成就應知。何等為四。

一者於一佛土身不動搖。而遍十方種種應化。如實修行常作佛事。偈言安樂國清淨。常轉無垢輪。化佛菩薩日。如須彌住持故。開諸眾生淤泥華故。二者彼應化身。一切時不前不後。一心一念放大光明。悉能遍至十方世界教化眾生。種種方便修行所作。滅除一切眾生苦故。偈言無垢莊嚴光。一念及一時。普照諸佛會。利益諸群生故。三者彼於一切世界無餘。照諸佛會大眾無餘。廣大無量供養恭敬讚歎諸佛如來。偈言雨天樂華

衣。妙香等供養。讚佛諸功德。無有分別心故。四者彼於十方一切世界無三寶處。住持莊嚴佛法僧寶功德大海。遍示令解如實修行。偈言何等世界無。佛法功德寶。我皆願往生。示佛法如佛故。又向說佛國土功德莊嚴成就。佛功德莊嚴成就。菩薩功德成就。此三種成就願心莊嚴。略說入一法句故。一法句者。謂清淨句。清淨句者。謂真實智慧無為法身故。此清淨有二種應知。何等二種。一者器世間清淨。二者眾生世間清淨。器世間清淨者。向說十七種佛國土功德莊嚴成就。是名器世間清淨。眾生世間清淨者。如向說八種佛功德莊嚴成就。四種菩薩功德莊嚴成就。是名眾生世間清淨。如是一法句。攝二種清淨應知。如是菩薩奢摩他。毘婆舍那廣略修行。成就柔軟心。如實知廣略諸法。如是成就巧方便迴向。何者菩薩巧方便迴向。菩薩巧方便迴向者。謂說禮拜等五種修行所集一切功德善根。不求自身住持之樂。欲拔一切眾生苦故。作願攝取一切眾生。共同生彼安樂佛國。是名菩薩巧方便迴向成就。菩薩如是善知迴向成就。遠離三種菩提門相違法。何等三種。一者依智慧門不求自樂。遠離我心貪著自身故。二者依慈悲門。拔一切眾生苦。遠離無安眾生心故。三者依方便門。憐愍一切眾生心。遠離供養恭敬自身心故。是名遠離三種菩提門相違法故。菩薩遠離如是三種菩提門相違法。得三種隨順菩提門法滿足故。何等三種。一者無染清淨心。不以為自身求諸樂故。二者安清淨心。以拔一切眾生苦故。三者樂清淨心。以令一切眾生得大菩提故。以攝取眾生生彼國土故。是名三種隨順菩提門法滿足應知。向說智慧。慈悲。方便三種門攝取般若。般若攝取方便應知。向說遠離我心不貪著自身。遠離無安眾生心。遠離供養恭敬自身心。此三種法遠離障菩提心應知。向說無染清淨心。安清淨心。樂清淨心。此三種心略一處成就妙樂勝真心應知。如是菩薩智慧心。方便心。無障心。勝真心。能生清淨佛國土應知。是名菩薩摩訶薩隨順五種法門所作隨意自在成就。如向所說。身業。口業。意業。智業。方便智業。隨順法門故。復有五種門漸次成就五種功德應知。何者五門。一者近門。二者大會眾門。三者宅門。四者屋門。五者園林遊戲地門。此五種門。初四種門成就入功德。第五門成就出功德。入第一門者。以禮拜阿彌陀佛為生彼國故。得生安樂世界。是名入第一門。入第二門者。以讚歎阿彌陀佛。隨順名義稱如來名。依如來光明想

修行故。得入大會眾數。是名入第二門。入第三門者。以一心專念作願生彼。修奢摩他寂靜三昧行故。得入蓮華藏世界。是名入第三門。入第四門者。以專念觀察彼妙莊嚴。修毘婆舍那故。得到彼處受用種種法味樂。是名入第四門。出第五門。以大慈悲觀察一切苦惱眾生。亦應化身迴入生死園煩惱林中。遊戲神通至教化地。以本願力迴向故。是名出第五門。菩薩入四種門。自利行成就應知。菩薩出第五門。利益他迴向行成就應

知。菩薩如是修五門行自利利他。速得成就阿耨多羅三藐三菩提故。

西方發願文

印光大師稱讚此文，詞理周到，為古今冠，淨業行人應背誦熟習，每日依文發願。

蓮池大師 撰

稽首西方安樂國 接引眾生大導師

我今發願願往生 惟願慈悲哀攝受

弟子（各稱己名）普為四恩三有，法界眾生，上求諸佛，一乘無上菩提道故，專心持念阿彌陀佛萬德洪名，期生淨土。又以業重福輕，障深慧淺，染心易熾，淨德難成。今於佛前，翹勤五體，披瀝一心，投誠懺悔。我及眾生，曠劫至今，迷本淨心，縱貪瞋癡，染穢三業，無量無邊；所作罪垢，無量無邊；所結冤業，願悉消滅。敢從今日，立深誓願，遠離惡法，誓不更造。勤修聖道，誓不退墮；誓成正覺，誓度眾生。阿彌陀佛以慈悲願力，當證知我，當哀憫我，當加被我；願禪觀之中，夢寐之際，得見阿彌陀佛金色之身；得歷阿彌陀佛寶嚴之土。得蒙阿彌陀佛甘露灌頂，光明照身，手摩我頭，衣覆我體。使我宿障自除，善根增長，疾空煩惱，頓破無明，圓覺妙心，廓然開悟，寂光真境，常得現前。至於臨命終時，預知時至，身無一切病苦厄難，心無一切貪

戀迷惑。諸根悅豫，正念分明，捨報安詳，如入禪定，阿彌陀佛與觀音勢至，諸聖賢眾，放光接引，垂手提攜，樓閣幢幡，異香天樂，西方聖境，昭示目前。令諸眾生，見者聞者，歡喜感歎，發菩提心。我於爾時，乘金剛臺，隨從佛後，如彈指頃，生極樂國，七寶池內，勝蓮華中，華開見佛，見諸菩薩，聞妙法音，獲無生忍。於須臾間，承事諸佛，親蒙授記，得授記已，三身四智、五眼六通，無量百千陀羅尼門，一切功德，皆悉成就。然後不違安養，回入娑婆，分身無數，徧十方刹，以不可思議自在神力，種種方便，度脫眾生，咸令離染，還得淨心，同生西方，入不退地。如是大願，世界無盡，眾生無盡，業及煩惱一切無盡，我願無盡。願今禮佛發願修持功德，回施有情，四恩總報，三有齊資，法界眾生，同圓種智。

印造佛經佛像之十大利益

- 一、從前所作種種罪過。輕者立即消滅，重者亦得轉輕。
- 二、常得吉神擁護，一切瘟疫、水火、盜賊、刀兵、牢獄之災，悉皆不受。
- 三、夙世怨對，咸蒙法益，而得解脫，永免尋仇報復之苦。
- 四、夜叉惡鬼，不能侵犯，毒蛇虎狼，不能為害。
- 五、心得安慰，日無險事，夜無惡夢，顏色光澤，身力充盛，所作吉利。
- 六、至心奉法，雖無希求，自然衣食豐足，家庭和睦，福祿綿長。
- 七、所言所行，人天歡喜。任到何方，常為多眾傾誠愛戴，恭敬禮拜。
- 八、愚者轉智，病者轉健，困者轉亨，不願為婦女者，報

謝之日，捷轉男身。

九、永離惡道，受生善道。相貌端正，天資超越，福祿殊勝。

十、能為一切眾生，種植善根。以眾生心，作大福田，獲無量勝果。所生之處，常得見佛聞法。直到三慧宏開，六通親證，速得成佛。

印造經像，既有如此殊勝功德，故凡遇到祝壽、賀喜、免災、祈求、懺悔、超薦之時，皆宜歡喜施捨，努力行之。

阿彌陀佛四十八大願、阿彌陀經(二〇一八年修正版)功德主名錄：

委印文號：107396

- 一三七、〇〇〇元：三寶淨業弟子。
- 二〇、〇〇〇元：往生者 張鄭進治。
- 一〇、〇〇〇元：往生者 釋蓮度法師。
- 二、〇〇〇元：往生者 張炳村。往生者 吳好。
- 一、〇〇〇元：往生者 張尊皓。

以上共計新台幣：一七二、〇〇〇元，恭印二、〇〇〇本。

迴向：天下和順，日月清明，風雨以時，災厲不起，國豐民安，兵戈無用，

崇德興仁，務修禮讓，國無盜賊，無有怨枉，強不凌弱，各得其所。

祝願法界一切有情，所有六道四生，宿世冤親，現世業債，咸憑法力，悉得解脫。

祝願現世者增福延壽，發菩提心，常隨佛學，勤修精進，利濟群生。

祝願已故者往生淨土，同出苦輪，共登覺岸。

附記：本會接受善信委託，代印經書、佛像，其必要之費用，均經本會審慎評估；若有結餘，

均續作本會之印(購)經書及運費使用，為施主廣積陰德，歡迎十方大德善加利用。

佛曆二五六二年(西元二〇一八年)十月

阿彌陀佛四十八大願、阿彌陀經(二〇一八年修正版)

恭印：二〇〇本 流水號：16179

普為出資及讚誦支持者

輾轉流通者回向偈曰

願以此功德
消除宿現業
增長諸福慧
圓成勝善根
所有刀兵劫
及與饑饉等
悉皆盡滅除
人各習禮讓
讚誦受持人
輾轉流通者
現眷咸安樂
先亡獲超昇
風雨常調順
人民悉康寧
法界諸含識
同證無上道

發行人：簡豐文
出版者：財團法人佛陀教育基金會
地址：100台北市杭州路一段五十五號十一樓
網址：<http://www.budaeu.org>
電子郵件：budaeu@budaeu.org
電話：(011)三三九一—一九八
傳真：(011)三三九一—三三四二五
訓練戶名：財團法人佛陀教育基金會
銀行名稱：台灣銀行城中分行(請於電匯或轉帳後告知本會用途)
銀行帳號：〇四五〇〇四四九七五〇三

本會經書免費結緣之領取方式如下：
(一)親臨本會取書。
(二)撥打電話：(02) 23951198(分機：二、12)
(三)網址：<http://www.budaeu.org/books/>。(五篇指定：本會法義流通版。
為提高服務效率，請您詳讀書單，慎選所需經書；儘量少用電話，多利用文字
數及收件人姓名、地址、電話、郵遞區號，以減少本會之處理時間；若大量申請，請註明用途，自避免姓名、地址
等文字上書寫之錯誤。
◎本會交通：歡迎翻印(請勿增刪)，贈送流通，功德無量。
◎本會地址：善導寺站5號出口，至杭州南路右轉，過兩個紅綠燈。
◎公車站牌：會計部站—212、299、292、205、276、605、257、282
台北商業技術學院—233、297、257 下沙路一段—237、253 開明路—208
仁愛、杭州南路口(經興路口)—630、270、263、245、621、651、37、261

行政院新聞局出版專業登記證局版臺業字第三八六九號